

ESCOLA GASTON FÉBUS

~~830-185~~

N° : 149.5 DUB/POU

ESCOLA GASTON FÉBUS



Château-Fort de Mauvezin  
65130 MAUVEZIN

# LA POULOUNÈSE



---

Aire-sur-l'Adour. — Imprimerie R. CASTAY



# La Poulounèse

---

Dit lou dets e oeyt d'aous  
De 1929  
à la heste de la Pologne  
per Mamisèle Madeleine Dubibé.

Qui doua a dît que la Pologne ère u nacioun  
De l'aute part de l'Alémagne?  
La Pologne qu'èm nous e qu'èm de boune gragne:  
Escoutats mé dat atencioun.

Nous qu'èm Gascouns de la Gascougne.  
Pertout que passam chens bergougne  
E ne-ms é moucam pas aus dits.  
N'èm pas coum l'ausèt sus la branque.  
Qu'abém de tout s'arré ne manque  
E, s'abém sos, qu'èm prou hardits.

Qu'am lou moulin de Lacoumète,  
Cafès, marchans de lheyts dat coète,  
Au charcutiè de bets boucins,  
Route eslarjide e goundrounade,  
Marchans de bière e limounade,  
Ent'ou malau dus medecins.

Dat lou Darrigan, qu'abém hargues  
Coum né-n an pas ne Sébéhargues,  
Ne Barsaloune, Ayre ou lou Mas.  
Ne parli pas de la téulère  
Oun soun jéns de toute payère,  
Joénots e bielhs, magres e gras.

Dou gaz nous qu'abém la fabrique,  
Mazaguin de luts élettrique,  
La mitat dous pechs de l'Adou  
E dat aco mant'un pescayre,  
Dus perruquiès, un tabacayre  
E mey d'un balen cassadou.



Au téms ancièn qu'abèm la poste  
Oun biadjedous hasèn la roste  
S'ou pugn, en so de Manescau,  
Oey, se n'abém pas l'arrélotje,  
Qu'abém un hôtel ou se lotje  
A pè tabé coum à chibau.

De pechs qu'abém arrécardères,  
Labedoures e cousturères  
Qui sàben ha trouta lou dit.  
De tout aquet mounde la lenque  
Plan ouliade, beroy eslenque  
Jamé ne manque d'escouplit.

A cade pas, las pétroluses,  
Dat hum pudén aqueres guses,  
Que-ms échourden e hèn puchiu,  
E, coum à las mey granes biles,  
Que bèsém passa tomobiles  
E qu'am musique dat chens-hiu.

Assi, nade canalherie  
Pramoun qu'abém gendarmerie  
Dat lous gendarmes à chibau.  
Qu'abém rentiès, qu'abém artistes:  
L'un que pintre, l'aut que hè tistes,  
Mes que soun tous mounde qui bau.

Qu'a cinquante ans, la bile d'Ayre  
— Arré ne bau d'esta bantayre —  
Disè de nous: A DEL'AU POUN!  
Grans trufandès, que-m hèts arrise:  
Qu'é LA POLOGNE qui cau dise  
Assi, coum pertout a-d-arroun.

Lous d'Ayre? Mes que soun de nouste!  
Coan an prou minjat pan dat crouste  
Et talèu coum an clugnat l'oegn  
Dames, moussus, aubrès ou garde  
Touts que se-n ban à **PREN T'Y GARDE**  
Droumi lou soun darrè soumegn.

Atau!.... Disem-mé doun adare  
Se soun lous d'Ayre qu'an la gare  
Enta Paris... ou s'èm nous auts?  
Ets, enta j'ana, qu'ous cau courre,  
Arriba dat la came amourre:  
Nous? Que j'èm en dus ou tres sauts.



La bile d'Ayre, dens la Lane,  
Gracis à nous qu'é la mey grane,  
Mey grane que Bourdeu ou Pau.  
Perqué? Que-b at disi detire:  
Qu'é pramoun Ayre que s'estire  
De la Pologne au Pourtugau!

Bile d'Ayre, sis pas jelouse  
Se, oey, la Pologne gaujouse  
E-t muche lou soun sabé-ha.  
Tu qu'ès lèu bielhe coum Hérode.  
Nous qu'èm touts naus: b'at sabs, l'arrode  
Que bire e hè lou nouste aha.

Assi, qu'èm touts de boune traque.  
Gran ou petit, aysat ou maque  
Qu'èm brabe jén e qu'é besouy.  
Pertout en Pologne, à la rounde,  
N'abém pas sounque béroy mounde.  
Bouléts la probe?... Jou que-n souy.



849-P  
DUB/POU